
SIARAN MEDIA

SAMBUTAN HARI WILAYAH PERSEKUTUAN 2020 PLANMALAYSIA BERSAMA KOMUNITI WP KUALA LUMPUR, PUTRAJAYA DAN LABUAN

PUTRAJAYA, 20 FEBRUARI 2020 – YB Tuan Haji Khalid Abd. Samad, Menteri Wilayah Persekutuan menyempurnakan Sambutan Hari Wilayah Persekutuan (SHWP) 2020 Peringkat PLANMalaysia di Putrajaya. Sambutan SHWP peringkat PLANMalaysia pada tahun ini telah mendapat kerjasama rakan strategik iaitu Kementerian Pendidikan Malaysia khususnya Bahagian Pengurusan Sekolah Asrama Penuh dan Jabatan Pendidikan Negeri Wilayah Persekutuan Kuala Lumpur, Labuan dan Putrajaya.

Program PLANMalaysia Bersama Komuniti ini juga sekaligus dapat mempromosikan PLANMalaysia melalui pameran interaktif yang membolehkan komuniti dan masyarakat termasuk pelajar dan guru mendapatkan gambaran berkaitan fungsi-fungsi PLANMalaysia di dalam perancangan pembangunan negara yang selama ini hanya berada di belakang tabir.

Program PLANMalaysia Bersama Komuniti

Sambutan Hari Wilayah Persekutuan yang telah bermula pada 1 Februari diteruskan dengan penganjuran Program PLANMalaysia Bersama Komuniti yang merupakan salah satu daripada 29 program SHWP 2020. Pelaksanaan program ini menepati resolusi “Inisiatif Wilayah Peduli, Harapan Dipenuhi” yang mencerminkan komitmen dan kesungguhan kementerian untuk meningkatkan taraf dan kualiti kehidupan warga Wilayah Persekutuan bagi memastikan tiada seorang pun terpinggir dari arus perancangan pembangunan.

Penganjuran *School Outreach Program – Town Planning Bootcamp* merupakan program khidmat masyarakat di peringkat sekolah-sekolah menengah di Wilayah Persekutuan Kuala Lumpur, Labuan dan Putrajaya. Ia bertujuan untuk menyebarkan profesion dan kepentingan perkhidmatan perancang bandar ini kepada para pelajar sekolah di samping lebih menghayati kualiti hidup yang dinikmati hari ini adalah hasil usaha perancang bandar dalam peringkat perancangan awal. Pendedahan awal ini diharap dapat menanam dan seterusnya memupuk minat mereka untuk sama-sama dalam usaha memajukan negara pada masa akan datang.

Dua (2) siri School Outreach Program yang melibatkan taklimat kerjaya dan pertandingan melukis telah diadakan iaitu **6 Februari 2020 di Sekolah Sultan Alam Shah, Putrajaya dan 10 Februari 2020 di Sekolah Menengah Sains Labuan, Labuan**. Program ini mendapat sambutan lebih 700 orang pelajar dan guru daripada 69 sekolah menengah di ketiga-tiga Wilayah Persekutuan.

Bagi Pertandingan Melukis Poster yang bertema “My Dream City Towards 2050”, ianya di harapkan dapat meningkatkan kreativiti para pelajar di samping Kementerian boleh mengambil peluang ini untuk lebih memahami kehendak dan impian generasi muda di Wilayah Persekutuan terhadap kehidupan yang diimpikan pada tahun 2050. Pertandingan peringkat wilayah persekutuan ini telah berjaya mendapat penyertaan sebanyak 179 lukisan daripada kategori Sekolah Menengah Atas (tingkatan 4 dan 5) dan 104 lukisan daripada Sekolah Menengah Bawah (Tingkatan 1-3).

Dengan adanya program seumpama ini, para pelajar sekolah menengah khususnya di Wilayah Persekutuan Kuala Lumpur, Labuan dan Putrajaya telah mendapat pendedahan awal berkaitan dengan bidang Perancangan Bandar dan Desa sebagai salah satu cabang kerjaya yang boleh dipilih sebagai karier mereka di masa hadapan. Disamping itu juga, program ini turut mencungkil bakat dan kreativiti pelajar-pelajar sebagai generasi yang akan menjadi peneraju Negara pada masa hadapan dalam merangka bandar yang diimpikan.

Disediakan oleh:
Bahagian Korporat
PLANMalaysia

SENARAI PEMENANG
PERTANDINGAN MELUKIS POSTER *MY DREAM CITY TOWARDS 2050*
SEMPENA SAMBUTAN HARI WILAYAH PERSEKUTUAN (SHWP) 2020
PERINGKAT PLANMalaysia

MENENGAH RENDAH

BIL.	NAMA PELAJAR	SEKOLAH	ULASAN JURI
1	Natalie Chin Ming Hui Tingkatan 1	SM ST ANNE (M), Labuan	Warna yang pekat dan terang. Padat dengan imaginasi tentang visi masa depan dan idea tentang bagaimana teknologi mampu menyatakan bagaimana sebuah kota mampu menjadi ideal
2	Nur Ilmi Adlina Binti Mohd Sopian Tingkatan 2	SM Sains Seri Puteri, Kuala Lumpur	Kemas, futuristik, tema yang nyata dan senang diterima. Warna yang 'soft' dan mudah ditafsir
3	Addina Dayini binti Annis Tingkatan 3	SM Integrasi Sains Tahfiz (SMISTA) MAIWP, Kuala Lumpur	Warna pekat berasimilasi sempurna dengan komposisi design bangunan, melatari mimpi 'kota raya' untuk masa depan
4	Ooi Jia Yin Tingkatan 3	SMK Seri Sentosa, Kuala Lumpur	Kreatif, penuh dengan imaginasi. Adunan warna terang dan pekat menggamit naratif, kotaraya untuk masa

BIL.	NAMA PELAJAR	SEKOLAH	ULASAN JURI
			depan. Terbina melangkau sempadan hingga samudera
5	Chan Yen Wei Tingkatan 1	SMK Labuan, Labuan	Diilustrasi dengan jelas. Warna diadun mudah dengan pekat. Dokumentasi terbaik dalam mencari visi 'Bandar Impian'
6	Por Yen Leng Tingkatan 3	SMK Convent Sentul, Kuala Lumpur	Composition menarik dan penggunaan warna yang menonjol. Tema Bandar Impian nampak nyata
7	Tengku Amalin Fatni Binti Tengku Azmin Marzuki Tingkatan 2	SM Sains Seri Puteri, Kuala Lumpur	Konsep ' <i>Pop Art</i> ' menarik. Nampak impian dan kenyataan dalam satu view <i>Vibe 'Futuristik'</i>
8	Cheah Hui Mei Tingkatan 3	SMK (P) Jalan Ipoh, Kuala Lumpur	Berani dengan tema kota di malam hari. Kontra sinar gemerlap neon, berbaur dengan fiesta merayakan kejayaan membina visi sebuah 'Bandar Impian'
9	Loh Kai Xuan Tingkatan 2	SMK Taman Seri Rampai, Kuala Lumpur	Penuh dan padat. Sibuk dengan imej dan icon bagi Malaysia

BIL.	NAMA PELAJAR	SEKOLAH	ULASAN JURI
			membangun dalam identiti tersendiri
10	Chu Song Ting Tingkatan 1	SMK Labuan, Labuan	Naratif konsep yang sangat 'clever'. Warna sangat kemas dan penceritaan yang berlapis-lapis
11	Sherina Sim Fui Wen Tingkatan 2	SM ST ANTHONY (M), Labuan	Dengan tema <i>Doodle</i> , menggamit adunan imaginasi dunia futuristik dengan adunan warna terang bersama karektor naif
12	Shazleen Izzatul Akma Binti Majeed Tingkatan 2	SMK Lajau, Labuan	Berani dengan komposisi yang kemas. Sapaan warna yang sempurna dengan tona lembut
13	Nur Iffah Fatihah Binti Md Izzat Tingkatan 3	SMK Cochrane Perkasa, Kuala Lumpur	Dilukis dengan tema naif kemas dalam merakam visi dalam membangunkan sebuah kota yang ideal. Berasimilasi sempurna dengan alam dan teknologi

SENARAI PEMENANG
PERTANDINGAN MELUKIS POSTER *MY DREAM CITY TOWARDS 2050*
SEMPENA SAMBUTAN HARI WILAYAH PERSEKUTUAN (SHWP) 2020
PERINGKAT PLANMalaysia

MENENGAH ATAS

BIL.	NAMA PELAJAR	SEKOLAH	ULASAN JURI
1	Afiqah Amalina Binti Roslan Tingkatan 4	SMK Putrajaya Presint 5(1)	Lukisan ini lengkap dengan hampir keseluruhan prinsip seni. Garisan, penggunaan ruang dan warna serta teks bersesuaian dengan konsep karya
2	Fatini Binti Huesni Tingkatan 5	SMK Taman Setiawangsa, Kuala Lumpur	Komposisi karya menarik dan kemas disamping penggunaan warna yang pelbagai. Olahan struktur bangunan yang berunsurkan organik juga menarik dan bersesuaian dengan komposisi keseluruhan karya
3	Irdina Batrisyia Binti Azmi Tingkatan 4	SMK Dato' Onn, Kuala Lumpur	Kepelbagaian subjek organik, geometrik dan karektor manusia digunakan menjadi sebahagian daripada karya. Susunan subjek bersifat organik dan kreatif
4	Siti Adawiyah Binti Adnan Tingkatan 5	SMK Bangsar, Kuala Lumpur	"Berani dalam memilih pilihan warna. Minimal tetapi

BIL.	NAMA PELAJAR	SEKOLAH	ULASAN JURI
			tetap jelas dalam menzahirkan idea tentang visi sebuah 'Bandar Impian'"
5	Low Yik Mun Tingkatan 4	SMK Zon R1 Wangsa Maju, Kuala Lumpur	Warna yang digunakan terang dan bersesuaian dengan tema yang diketengahkan. Olahan subjek yang dilakukan seimbang dengan teks dan penggunaan ruang
6	See Chui Yin Tingkatan 5	SMK Puteri Titivangsa, Kuala Lumpur	Lukisan ini mempunyai komposisi yang menarik. Warna yang digunakan juga harmoni. Menampakkan bahagian hadapan, tengah dan belakang. Olahan subjek karya juga menarik dan sesuai dengan tema
7	Sheila Avril Sipik Tingkatan 5	SMK Taman Perumahan Bedaun, Labuan	Perspektif 'Bandar Impian' memberi lebih daripada 2 sisi impian <i>artist colourful visionary</i>
8	Nur Dayana Sofea Binti Sohaimi Tingkatan 5	SMK Wangsa Melawati, Kuala Lumpur	Susunan subjek karya kreatif dan seimbang dengan perkataan yang digunakan. Penggunaan warna yang bervariasi dan tidak terlalu terang pada subjek

BIL.	NAMA PELAJAR	SEKOLAH	ULASAN JURI
			membuatkan karya kelihatan rapi
9	Muhammad Arif Syahmi Bin Mohd Haziman Tingkatan 5	SMK Bandar Tasik Selatan, Kuala Lumpur	Komposisi dan gabungan warna yang digunakan menarik dan bersesuaian dengan tema. Olahan keseluruhan karya menampakkan unsur moden dan futuristik
10	Irdina Sofea Binti Mohammad Immanuddin Tingkatan 5	SMK Taman Setiawangsa, Kuala Lumpur	Penggunaan jenis tulisan yang menarik. Warna dipilih kemas dan mengamit mata. Pilihan komposisi tepat dan jelas
11	Ruthraa A/L Velaizam Tingkatan 4	SMK Seri Permaisuri, Kuala Lumpur	Lukisan ini mempunyai warna yang terang dan olahan subjek yang dilakukan kemas dan dinamik
12	IsmaLeena Binti Ismail Tingkatan 5	SMK Cochrane, Kuala Lumpur	Diilustrasi dengan kemas. Komposisi yang dinamik. Warna lembut dan berbaur mudah
13	Nursyafika Huda Binti Abdullah Tingkatan 5	SMK (P) Methodist, Kuala Lumpur	Minimal tapi konfiden seperti poster filem 'Wes Anderse'. Menarik, <i>soft</i> , tema sampai dan mudah diterima